



Prifysgol Cymru  
Y Drindod Dewi Sant  
University of Wales  
Trinity Saint David

# Datganiad Preifatrwydd Ymgeiswyr

# Datganiad Preifatrwydd

## Ymgeiswyr

Ar hyd y Datganiad hwn, mae “y Brifysgol”, “ni” ac “ein” yn cyfeirio at Uned Farchnata, Cofrestrfa Academaidd ac Uned Recriwtio Rhyngwladol Prifysgol Cymru Y Drindod Dewi Sant a’i Hathrofeydd, Cyfadrannau ac Ysgolion. Mae “chi”, “eich” a/neu “testun data” yn cyfeirio at y rheini sydd wedi mynegi diddordeb mewn bod yn fyfyrwr yn y dyfodol yn y Brifysgol (ar gam gwneud ymholiad ac ar gam gwneud cais).

Mae’r datganiad hwn yn esbonio sut bydd yr adrannau uchod yn y Brifysgol yn trin ac yn defnyddio’ch data personol yn ystod y broses recriwtio ac ymgeisio.

Bydd casglu data personol gennych chi’n ein galluogi ni i gael gwell dealltwriaeth o’r hyn sydd o ddiddordeb i chi. Bydd yn caniatáu i ni gadw mewn cysylltiad â chi er mwyn eich cadw’n gyfredol â’n gweithgareddau a datblygiadau, a bydd yn ein galluogi i’ch paratoi yn y ffordd orau i fod yn fyfyrwr yn y Brifysgol yn y dyfodol.

Bydd y Datganiad dilynol yn dangos sut bydd y Brifysgol yn defnyddio’ch data personol yn benodol at ddibenion derbyn a recriwtio.

Rydym yn ymrwymedig i ddiogelu eich gwybodaeth a bod yn dryloyw ynghylch y wybodaeth sydd gennym amdanoch chi. Fodd bynnag os hoffech chi ddarllen rhagor am ymrwymiad y Brifysgol i ddiogelu’ch gwybodaeth personol a bod yn dryloyw fel cyfangorff, cyfeiriwch at Bolisi Diogelu Data’r Brifysgol.

## Y Rheolydd Data a Manylion Cysylltu

Prifysgol Cymru Y Drindod Dewi Sant yw'r rheolydd data ac mae'n ymrwymedig i ddiogelu hawliau myfyrwyr yn unol â Deddf Diogelu Data 2018 y DU a Rheoliad Cyffredinol y Deyrnas Unedig ar Ddiogelu Data (GDPR).

Mae gan y Drindod Dewi Sant Swyddog Diogelu Data y gellir cysylltu ag ef yn [foi@uwtsd.ac.uk](mailto:foi@uwtsd.ac.uk)

## Pa wybodaeth byddwn yn ei chasglu amdanoch chi?

Byddwn yn casglu gwybodaeth amdanoch chi wrth ryngweithio â chi fel darpar fyfyrwr yn y Drindod Dewi Sant yn y dyfodol, er enghraifft ond heb ei gyfyngu i'r canlynol: pan fyddwch yn gwneud ymholiadau, yn gofyn am brosbectws, yn anfon e-bost a/neu'n gwneud cais i astudio gyda ni. Mae'n bosibl hefyd y cawn ni wybodaeth amdanoch chi o'r tu allan i'r Brifysgol, megis gwybodaeth gan UCAS ynghylch ceisiadau UCAS israddedigion neu wybodaeth drwy ddigwyddiadau Recriwtio, yn ogystal â gwybodaeth a roddir gan ganolwyr. Mae'r mathau o wybodaeth bersonol a brosesir yn cynnwys y canlynol, er nad yw'n gyfyngedig i'r rhain:

## Casglu gwybodaeth a gyflwynir drwy ffurflenni neu drwy drydydd parti (yn cynnwys asiantau)

- Manylion cyswllt.
- Gwybodaeth Bersonol, megis dyddiad geni at ddibenion diogelu plant a phobl dan 18 oed neu oedolion sy'n agored i niwed.
- Profiad a chyrhaeddiad addysgol blaenorol.
- Hanes cyflogaeth.
- Gwybodaeth mewnfudo (megis manylion pasbort, hanes mewnfudo a hyfedredd yn y Saesneg)
- Gwybodaeth ariannol pan fo'n ofynnol, er enghraifft, er mwyn asesu cymhwysedd ar gyfer Ysgoloriaeth neu gymhwysedd ar gyfer datganiad Cadarnhad Derbyn i Astudio.
- Gwybodaeth iechyd (yn cynnwys unrhyw anabledau) sy'n dod o dan y categorïau arbennig o ddata lle mae cydsyniad eglur yn ofynnol ar gam gwneud cais.
- Holiadur Iechyd – Addasrwydd i Ymarfer.
- Copïau o ddogfennau adnabod mae eu hangen ar gyfer gwiriad gan y Gwasanaeth Datgelu a Gwahardd.
- Ar gyfer myfyrwyr rhyngwladol: Copïau o basbortau, fisâu ac unrhyw ddogfennau eraill sy'n ofynnol i sicrhau cydymffurfiaeth â gofynion Fisâu a Mewnfudo y DU a/ neu'r Swyddfa Gartref.
- Ar gyfer myfyrwyr y DU: Copïau o basbortau neu unrhyw ddogfennau eraill sy'n ofynnol er mwyn asesu statws ffioedd.

## Sut caiff eich gwybodaeth chi ei defnyddio?

Yn ystod y broses recriwtio ac ymgeisio byddwn yn defnyddio eich data personol at ddibenion asesu eich cymhwysedd i fod yn fyfyrwr yn y Drindod Dewi Sant yn y dyfodol. Mae diben y wybodaeth a brosesir yn cynnwys y canlynol, er nad yw'n gyfyngedig i'r rhain:

Diben	Sail Gyfreithiol a Chyfiawnhad
Defnyddir ymholiadau (neu fynegiannau o ddiddordeb) a wneir i'r Brifysgol i greu cofnod o fewn ein cronfa ddata. Mae hyn yn caniatáu i ni eich arwain chi drwy gamau nesaf y broses.	<p><b>Cyfiawnhad</b> Drwy gysylltu â ni, rydych wedi mynegi diddordeb mewn dilyn cwrs yn y Drindod Dewi Sant. Byddwn yn eich dynodi'n fyfyrwr y dyfodol yn ystod y cyfnod rydych yn 'wir ymholydd'</p> <p><b>Sail Gyfreithiol yn ôl diffiniad y GDPR</b> Mae prosesu gan y Brifysgol yn angenrheidiol er mwyn cwblhau contract gyda'r testun data neu <b>er mwyn cymryd camau ar gais y testun data cyn gwneud contract.</b></p>
Defnyddir ceisiadau a gyflwynir i'r Brifysgol i asesu'ch cymhwysedd i fod yn fyfyrwr yn y Drindod Dewi Sant yn y dyfodol. (Nid yw hyn yn cynnwys unrhyw wybodaeth yn gysylltiedig ag unrhyw wybodaeth iechyd a ddatganwyd).	<p><b>Cyfiawnhad</b> Drwy gyflwyno cais byddwn yn eich dynodi'n fyfyrwr y dyfodol yn ystod y cyfnod rydych yn 'wir ymgeisydd'</p> <p><b>Sail Gyfreithiol yn ôl diffiniad y GDPR</b> Mae prosesu yn angenrheidiol er mwyn cwblhau contract gyda'r testun data neu er mwyn cymryd camau ar gais y testun data cyn gwneud contract.</p>

Yn sgil eich cais, byddwn hefyd yn defnyddio'r canlynol:	
i) Gwybodaeth Atodol, megis Asesiadau Ffioedd ac Asesiadau Hanes Mewnffudo.	<p><b>Cyfiawnhad</b> Er mwyn sicrhau y gwneir asesiad cywir o'ch ymholiad a/ neu eich cais, efallai byddwn yn gofyn am wybodaeth atodol ychwanegol gennych chi.</p> <p><b>Sail Gyfreithiol yn ôl diffiniad y GDPR</b> Mae prosesu yn angenrheidiol er mwyn cwblhau contract gyda'r testun data neu er mwyn cymryd camau ar gais y testun data cyn gwneud contract.</p> <p>Mae angen prosesu eich data personol er mwyn cwblhau tasg a gyflawnir er budd y cyhoedd neu wrth arfer awdurdod swyddogol a ymddiriedwyd yn y Brifysgol.</p>

<p>ii) Bydd holiaduron yn angenrheidiol ar gyfer cyrsiau Prifysgol</p>	<p><b>Cyfiawnhad</b>  Ar gyfer rhai o'n rhaglenni mae'n ofynnol yn ôl y gyfraith bod pob myfyriwr yn addas i ymarfer o fewn ei ddewis yrfa. Felly mae gwiriadau iechyd a gwiriad gan yr heddlu'n ofynnol ar gyfer y cwrs. At hynny, byddwn yn gofyn a oes arnoch angen cymorth ychwanegol neu a oes angen i ni wneud "addasiadau rhesymol" er mwyn darparu ar gyfer eich gofynion astudio.</p> <p><b>FFURFLEN HOLI AM WIRIADAU IECHYD AC ANGHENION CYMORTH</b>  <b>Sail Gyfreithiol yn ôl diffiniad y GDPR i brosesu categorïau arbennig o ddata.</b>  Mae'r testun data wedi rhoi cydsyniad eglur i'r prosesu.</p> <p><b>Sail Gyfreithiol yn ôl diffiniad y GDPR</b>  Mae prosesu yn angenrheidiol er mwyn cwblhau contract gyda'r testun data neu er mwyn cymryd camau ar gais y testun data cyn gwneud contract.</p> <p><b>GWIRIADAU'R HEDDLU</b>  <b>Sail Gyfreithiol yn ôl diffiniad y GDPR</b>  Mae prosesu yn angenrheidiol er mwyn cwblhau contract gyda'r testun data neu er mwyn cymryd camau ar gais y testun data cyn gwneud contract.</p> <p>Mae prosesu'n angenrheidiol er mwyn cwblhau tasg a gyflawnir er budd y cyhoedd neu wrth arfer awdurdod swyddogol a ymddiriedwyd yn y rheolydd.</p> <p>Seiliau cyfreithiol ychwanegol o fewn y Ddeddf Diogelu Data ar gyfer prosesu data categorïau arbennig:</p> <ul style="list-style-type: none"> <li>• Atodlen 1 Rhan 2 Paragraff 8 – atal neu ganfod gweithredoedd anghyfreithlon</li> <li>• Atodlen 1 Rhan 2 Paragraff 9 – Diogelu'r cyhoedd rhag anonestrwydd</li> </ul>
<p>Cwynion ac Apeliadau</p>	<p><b>Cyfiawnhad</b>  Er mwyn sicrhau cysondeb a thegwch yn ystod y broses recriwtio a derbyn, mae gennym weithdrefn cwynion ac apeliadau, lle gellir gofyn am wybodaeth ychwanegol.</p> <p><b>Sail Gyfreithiol yn ôl diffiniad y GDPR</b>  Mae prosesu'n angenrheidiol er mwyn cwblhau tasg a gyflawnir er budd y cyhoedd neu wrth arfer awdurdod swyddogol a ymddiriedwyd yn y rheolydd.</p>

<p>Gwybodaeth yn gysylltiedig â Materion Mewnfudo</p>	<p><b>Cyfiawnhad</b> Mae'n ofynnol yn ôl y gyfraith i'r holl fyfyrwyr sydd angen fisa i ddod i mewn i'r DU gyflwyno gwybodaeth ychwanegol yn rhan o'r broses ymgeisio.</p> <p><b>Sail Gyfreithiol yn ôl diffiniad y GDPR</b> Mae prosesu'n angenrheidiol er mwyn cydymffurfio â rhwymedigaeth gyfreithiol sydd ar y rheolydd.</p> <p>Mae angen prosesu eich data personol er mwyn cwblhau tasg a gyflawnir er budd y cyhoedd neu wrth arfer awdurdod swyddogol a ymddiriedwyd yn y Brifysgol.</p>
<p><b>Cyfathrebu â chi:</b> Yn ddibynnol ar y wybodaeth rydych wedi'i rhoi yn ystod y broses recriwtio a derbyn, gellir anfon cyfathrebiadau drwy'r post, y ffôn (a ffôn symudol) neu ddulliau electronig, yn bennaf drwy e-bost.</p> <p>Os derbyniwch unrhyw negeseuon diangen, byddwch yn gallu datdanysgrifio ar unrhyw adeg o unrhyw rai o'n negeseuon e-bost.</p> <p>Gallwn hefyd ddefnyddio nodweddion busnes y cyfryngau cymdeithasol i gyfleu gwybodaeth berthnasol a fydd yn eich arwain chi drwy'r broses.</p> <p><i>Sylwer: dylai defnyddwyr platfformau'r cyfryngau cymdeithasol allu newid eu dewisiadau o fewn gosodiadau pob platfform.</i></p> <p>Gallwch hefyd gysylltu'n uniongyrchol os hoffech ddiweddarau'ch dewisiadau.</p>	<p><b>Cyfiawnhad</b> Ar gyfer cyfathrebu angenrheidiol yng nghyswllt eich astudio yn y dyfodol:</p> <p><b>Sail Gyfreithiol yn ôl diffiniad y GDPR</b> Mae prosesu yn angenrheidiol er mwyn cwblhau contract gyda'r testun data neu er mwyn cymryd camau ar gais y testun data cyn gwneud contract.</p> <p>Wrth anfon gwybodaeth atodol atoch a fydd yn eich arwain drwy'r broses:</p> <p><b>Sail Gyfreithiol yn ôl diffiniad y GDPR</b> Mae prosesu'n angenrheidiol at ddibenion Buddiant Dilys a ddilyniir gan y rheolydd neu gan drydydd parti, ac eithrio pan fydd buddiant o'r fath yn cael ei orbwyso gan fuddiant neu hawliau a rhyddid sylfaenol y testun data.</p> <p><b><i>Mae ein buddiant dilys penodol fel a ganlyn:</i></b> Mae'r Brifysgol yn gallu cynnig amrywiaeth eang o wasanaethau i fyfyrwyr y tu hwnt i gwmpas ei phrif nod o ddarparu addysg. Mae'n bwysig ein bod yn gallu cynnig y gwasanaethau hyn er mwyn gwella profiadau myfyrwyr.</p> <p>Mae helpu myfyrwyr gymaint â phosibl yn y broses ymgeisio hefyd yn sicrhau eu bod yn cwblhau eu cais ac yn penderfynu astudio gyda ni.</p>
<p>Digwyddiadau ychwanegol a gynigiwn, megis y Gwasanaeth Codi/Cwrdd a Chyfarch yn y Maes Awyr, Cynadleddau Myfyrwyr/Athrawon ac ati.</p>	<p><b>Cyfiawnhad</b> Bydd dull cofrestru gan yr holl wasanaethau ychwanegol a gynigir gennym, lle bydd angen cydsynio.</p> <p><b>Sail Gyfreithiol yn ôl diffiniad y GDPR</b> Mae'r Testun Data wedi rhoi cydsyniad i'r prosesu.</p>

<p>Cyfiawnhad</p>	<p><b>Cyfiawnhad</b>  Mae nifer o drefniannau gwahanol o ran nawdd ac ysgoloriaeth ar gael ar hyd y broses.</p> <p>Yn ddibynol ar y math o ysgoloriaeth a gewch mae'r sail gyfreithiol yn amrywio.</p> <p>Er enghraifft:  Os ydych wedi gwneud cais am yr ysgoloriaeth</p> <p><b>Sail Gyfreithiol yn ôl diffiniad y GDPR</b>  Mae'r Testun Data wedi rhoi cydsyniad i'r prosesu.</p> <p>Os darparwyd yr ysgoloriaeth ar eich cyfer yn awtomatig am eich bod yn bodloni rhestr benodol o feini prawf (megis graddau) y sail gyfreithiol yw 'rheidrwydd contractiol'.</p> <p><b>Sail Gyfreithiol yn ôl diffiniad y GDPR</b>  Mae prosesu yn angenrheidiol er mwyn cwblhau contract gyda'r testun data neu er mwyn cymryd camau ar gais y testun data cyn gwneud contract.</p>
<p>Dadansoddi a Phroffilio</p>	<p><b>Cyfiawnhad</b>  Mae'n bwysig i ni allu defnyddio data at ddibenion ymchwil i'r farchnad er mwyn llywio ein gweithgarwch marchnata yn y dyfodol a chynnal cystadleurwydd yn y farchnad. Fel arfer mae hyn yn ddata dienw er mwyn dynodi/dadansoddi tueddiadau ac ati, fodd bynnag, gellir defnyddio data personol hefyd.</p> <p><b>Sail Gyfreithiol yn ôl diffiniad y GDPR</b>  Mae prosesu'n angenrheidiol at ddibenion Buddiant Dilys a ddilynir gan y rheolydd neu gan drydydd parti, ac eithrio pan fydd buddiant o'r fath yn cael ei orbwyso gan fuddiant neu hawliau a rhyddid sylfaenol y testun data.</p> <p><b><i>Mae ein buddiant dilys penodol fel a ganlyn:</i></b>  Mae'n bwysig i'r Brifysgol ddefnyddio data at ddibenion ymchwil i'r farchnad er mwyn llywio ei gweithgarwch marchnata yn y dyfodol a chynnal cystadleurwydd yn y farchnad.</p>

Y sail gyfreithiol yn ôl diffiniad y GDPR y byddwn yn dibynnu arni yw cyflawni contract yn y dyfodol tra byddwch wedi'ch dynodi'n 'wir ymholydd' a/neu'n 'wir ymgeisydd'.

Diffiniadau:-

<p>'Gwir Ymholydd'</p>	<p>Mae ymholydd yn wir ymholydd dim ond os nad yw wedi cyflwyno cais erbyn diwedd cyfnod ymgeisio'r flwyddyn academaidd benodol honno. Fe'i gwahoddir i optio mewn i dderbyn cyfathrebiadau pellach. h.y. os ydy ymholydd wedi gwneud ymholiad am flwyddyn academaidd 23/24) ac nad yw wedi cyflwyno cais erbyn dyddiad terfynol UCAS ar gyfer ceisiadau 2023, anfonir gwahoddiad ato i optio mewn. Os bydd yn penderfynu peidio ag optio mewn, caiff ei gofnod ei newid i 'peidio â chysylltu'. Fodd bynnag, caiff y data personol eu storio gan y Brifysgol tan ddiwedd y cyfnod cadw neu dderbyn cyfarwyddyd i'w dileu.</p>
<p>'Gwir Ymgeisydd'</p>	<p>Mae ymgeisydd yn 'wir ymgeisydd' dim ond os nad yw wedi cofrestru erbyn diwedd cyfnod cofrestru'r flwyddyn academaidd benodol honno. Fe'i gwahoddir i optio mewn i dderbyn cyfathrebiadau pellach, h.y. os ydy ymgeisydd wedi gwneud cais am flwyddyn academaidd 23/24, ac nid yw wedi cofrestru erbyn diwedd cyfnod cofrestru blwyddyn academaidd 23/24, anfonir gwahoddiad ato i optio mewn. Os bydd yn penderfynu peidio ag optio mewn, caiff ei gofnod ei newid i 'peidio â chysylltu'. Fodd bynnag, caiff y data personol eu storio gan y Brifysgol tan ddiwedd y cyfnod cadw neu dderbyn cyfarwyddyd i'w dileu.</p>
<p>Digwyddiadau ychwanegol a gynigiwn, megis y Gwasanaeth Codi/Cwrdd a Chyfarch yn y Maes Awyr, Cynadleddau Myfyrwyr/Athrawon ac ati.</p>	<p><b>Cyfiawnhad</b> Bydd dull cofrestru gan yr holl wasanaethau ychwanegol a gynigir gennym, lle bydd angen cydsynio.</p> <p><b>Sail Gyfreithiol yn ôl diffiniad y GDPR</b> Mae'r Testun Data wedi rhoi cydsyniad i'r prosesu.</p>



## Pa wybodaeth byddwn ni'n ei derbyn gan drydydd partïon?

Yn rhan o'ch cais fel myfyriwr yn y Drindod Dewi Sant yn y dyfodol, gallwn dderbyn eich cais neu wybodaeth arall am eich cais o ffynonellau allanol. Mae ffynonellau'n cynnwys, ond heb eu cyfyngu i, y canlynol:

Data y gallwn ni eu derbyn	Ffynhonnell
Data ymgeisio, sy'n cynnwys manylion cyswllt a chyrhaeddiad, profiad gwaith, sefydliad blaenorol, data cyd-destunol a gwybodaeth am anabledd	UCAS, Prosiectau Ysgoloriaethau Ymchwil megis KESS II a Chynghorau Ymchwil y DU, Erasmus, CAB neu Sefydliadau Addysg Uwch eraill, os er enghraifft, mae'ch rhaglen astudio yn cynnwys treulio cyfnod o amser mewn sefydliad tu allan i'r Drindod Dewi Sant.
Tystlythyrau	Y canolwr o'ch dewis.
Eich statws a hanes mewnfudo	Y Swyddfa Gartref (Fisâu a Mewnfudo'r DU), y Swyddfa Dramor a Chymanwlad
Trawsgrifiadau (manyion rhaglenni sydd wedi'u cyflawni neu'n cael eu cyflawni mewn sefydliad arall, a'ch cyrhaeddiad)	Cyrff dyfarnu, HEDD, sefydliad arall a/neu ysgolion uwchradd.
Cadarnhad ynghylch gwiriadau	Gwasanaeth Datgelu a Gwahardd, Gwiriadau'r Heddlu, ATAS

## Pwy sy'n derbyn eich gwybodaeth chi?

Ni rennir eich data ag unrhyw sefydliadau y tu allan i'r Brifysgol, oni bai bod hynny'n ofynnol yn ôl y gyfraith. Fodd bynnag, pan fo'n angenrheidiol, rhennir gwybodaeth bersonol er mwyn cefnogi a darparu gwasanaeth yn gysylltiedig â'r broses recriwtio a derbyn.

Yn yr adran hon, nodir y prif sefydliadau a'r amgylchiadau mwyaf cyffredin lle rydym yn datgelu gwybodaeth am fyfyrwyr. Pan fydd hyn yn cynnwys trosglwyddiad rhyngwladol, trosglwyddir yr wybodaeth dim ond os bydd yn bodloni'r amodau a nodir o dan deddfwriaeth Diogelu Data a deddfwriaeth Rheoliad Cyffredinol y DU ar Ddiogelu Data (GDPR). Mae ffynonellau'n cynnwys, ond heb eu cyfyngu i, y canlynol:

Data y gallwn ni eu rhannu	Derbynwyr
Ymholiadau (neu fynegiannau o ddiddordeb)	Gallwn rannu'ch ymholiad yn fewnol â'r Gyfadran/Athrofa neu Ysgol yn y Brifysgol er mwyn iddynt ymateb i chi.
Data ymgeisio, sy'n cynnwys manylion cyswllt a chyrhaeddiad, profiad gwaith, sefydliad blaenorol, data cyd-destunol a gwybodaeth am anabled	Gallwn rannu'ch cais yn fewnol er mwyn i Ysgol asesu'ch cymhwysedd fel myfyriwr yn y Drindod Dewi Sant yn y dyfodol.
Gwybodaeth yn gysylltiedig â Materion Mewnfudo (lle bo angen)	Mae'r Brifysgol wedi ei thrwyddedu i noddi myfyrwyr mudol o dan y Llwybr Myfyrwyr. Bydd y Brifysgol yn darparu data ar gyfer y Swyddfa Gartref er mwyn cael rhif Cadarnhad Derbyn i Astudio. Mae rhif Cadarnhad Derbyn i Astudio yn galluogi myfyrwyr i wneud cais am Fisa Myfyrwyr. Bydd y Brifysgol hefyd yn darparu data am fyfyrwyr ar Fisa Myfyrwyr ar gyfer y Swyddfa Gartref a'i hadrannau er mwyn cyflawni ei dyletswyddau o dan ei thrwydded.
Data ymgeisio megis cymwysterau, lle bo'n berthnasol.	Mae Canolfan Gwybodaeth Genedlaethol y DU (UK ENIC) yn cynghori sefydliadau fel ni ynghylch cymharu cymwysterau rhyngwladol â lefelau fframweithiau cymwysterau'r DU. Maent yn gwneud hyn drwy asesu'r cymhwyster drwy eu porth ar-lein.
Data ymgeisio megis diweddariadau ar y gweithgarwch prosesu	I noddwyr a rhieni lle rhoddwyd cydsyniad.
Data ymgeisio	Sefydliadau Addysg Uwch eraill, er enghraifft os ydy'ch rhaglen astudio'n cynnwys treulio cyfnod mewn sefydliad y tu allan i'r Drindod Dewi Sant.
Bydd unrhyw ddatgeliadau eraill gan y Brifysgol yn unol â deddfwriaeth Diogelu Data a GDPR, ac ystyrir eich buddiannau bob amser.	

## Trosglwyddo Eich Gwybodaeth yn Rhyngwladol

Fel arfer ni fyddwn yn trosglwyddo unrhyw ran o'ch data personol y tu allan i'r UE. Bydd unrhyw drosglwyddo sy'n digwydd yn unol â'r GDPR.

## Am faint y caiff eich gwybodaeth chi ei chadw?

Byddwn yn cadw'ch gwybodaeth bersonol yn unol â'n Hamserlen Cadw Cofnodion.

## Diogelwch eich gwybodaeth

O dan ddeddfwriaeth Diogelu Data mae'n rhaid i ni gadw eich gwybodaeth yn ddiogel. Golyga hynny y caiff eich cyfrinachedd ei barchu, ac y cymerir pob cam priodol i atal mynediad a datgeliad heb ganiatâd. Dim ond aelodau o'r staff y mae angen iddynt gael mynediad at rannau perthnasol neu at eich holl wybodaeth a gaiff hawl i wneud hynny. Bydd gwybodaeth amdanoch chi ar ffurf electronig yn amodol ar gyfrinair a chyfyngiadau diogelwch eraill, tra cedwir ffeiliau papur mewn manau diogel lle rheolir mynediad.

Mae'n bosibl y gwneir rhywfaint o brosesu ar ran y Brifysgol gan sefydliad a contractiwyd at y diben hwnnw. Bydd sefydliadau sy'n prosesu data personol ar ran y Brifysgol wedi eu rhwymo o dan rwymedigaeth contractiol i brosesu data personol yn unol â deddfwriaeth Diogelu Data.

## Beth yw eich hawliau chi?

Mae gennych hawl i weld eich gwybodaeth bersonol, i wrthwynebu bod eich gwybodaeth bersonol yn cael ei phrosesu, i gywiro, dileu, cyfyngu a throsglwyddo eich gwybodaeth bersonol dan GDPR. Os ydych chi wedi rhoi cydsyniad i'r Drindod Dewi Sant brosesu unrhyw rai o'ch data mae gennych hefyd hawl i ddiddymu'r cydsyniad hwnnw. Mae'ch hawliau yn gynwysedig o fewn Polisi Diogelu Data'r Brifysgol.

### **Dylid anfon unrhyw geisiadau neu wrthwynebiadau yn ysgrifenedig at Swyddog Diogelu Data'r Brifysgol:-**

Paul Osborne  
Swyddog Diogelu Data  
Prifysgol Cymru y Drindod Dewi Sant  
Ysgol Fusnes Abertawe,  
Y Stryd Fawr, Abertawe SA11NE  
E-bost: [foi@uwtsd.ac.uk](mailto:foi@uwtsd.ac.uk)

## Diweddarau eich dewisiadau

Byddwch yn gallu diweddarau eich dewisiadau ar unrhyw adeg ar-lein gan ddefnyddio'r cyfeiriad e-bost rydych wedi'i ddefnyddio yn ystod y broses recriwtio a derbyn.

## Canlyniadau peidio â darparu'r data pan fydd hynny ar sail gofyniad statudol neu contractiol

Yn anffodus ni fydd y Brifysgol yn gallu prosesu'ch cais os byddwch yn gwrthod darparu'r wybodaeth angenrheidiol pan fydd hynny ar sail gofyniad statudol neu contractiol.

## Sut i wneud cwyn

Os ydych chi'n anhapus â'r modd y mae eich gwybodaeth bersonol wedi cael ei phrosesu, cewch gysylltu yn y lle cyntaf â Swyddog Diogelu Data'r Brifysgol trwy ddefnyddio'r manylion cyswllt uchod.

Os byddwch yn parhau heb eich bodloni, mae gennych hawl i wneud cais uniongyrchol i'r Comisiynydd Gwybodaeth am benderfyniad.

### **Gellir cysylltu â'r Comisiynydd Gwybodaeth yma:**

Information Commissioner's Office,  
Wycliffe House, Water Lane,  
Wilmslow, Cheshire, SK9 5AF  
[www.ico.org.uk](http://www.ico.org.uk)

## Eich cyfrifoldebau chi

Mae gennych gyfrifoldeb i gadw eich manylion personol yn gyfredol. Yn ystod eich astudiaethau, efallai y cewch fynediad at wybodaeth bersonol am bobl eraill. Mae disgwyl i chi ymdrin â hyn mewn modd cyfrifol a phroffesiynol ac mae rhwymedigaeth gyfreithiol arnoch i wneud hyn o dan ddeddfwriaeth Diogelu Data, yn ogystal ag unrhyw foeseb broffesiynol neu godau ymddygiad. Os rhoddir i chi wybodaeth bersonol yn gyfrinachol, disgwylir na fyddwch yn dweud wrth neb heb gydsyniad yr unigolyn, ac eithrio o dan amgylchiadau eithriadol. Hefyd ni ddylech geisio dod o hyd i ddata personol pobl eraill os nad oes gennych hawl. Ystyrir camau disgyblu yn erbyn unrhyw aelod o'r Brifysgol sy'n torri Deddfwriaeth Diogelu Data neu ddyletswydd cyfrinachedd.

## Rheoli fersiynau'r ddogfen

<b>Rhif y Fersiwn:</b>	<b>Rheswm dros newid:</b>	<b>Awdur:</b>	<b>Dyddiad y newid:</b>
0.1	Adolygiad blynyddol – drafft cychwynol i'w ystyried gan y Pwyllgor Profiadau Ymgeiswyr.	Paul Osborne, Pennaeth Diogelu Data / Gemma Green, Uwch Swyddog Derbyn / Elin Bishop, Pennaeth Gweithredol y Gofrestrfa	04/05/2023
1.0	Fersiwn terfynol wedi'i gymeradwyo gan y Pwyllgor Profiadau Ymgeiswyr.	Paul Osborne, Pennaeth Diogelu Data / Gemma Green, Uwch Swyddog Derbyn / Elin Bishop, Pennaeth Gweithredol y Gofrestrfa	22/05/2023





**Prifysgol Cymru**  
Y Drindod Dewi Sant  
**University of Wales**  
Trinity Saint David